

nochten. Den zwingt leid zu clagē. Diesen muet die
affterteiding des clagers die weißheit zu sagen. Dar-
umb clager hab ere. tot lige. yder mensch dē tot das
leben. den leib der erden. die sele uns pflichtig ist zu
geben amen.

Do pitt der clager fur seiner frauen sele. Die grossen
rote puchstabe die nennē den clager. **W**nd durs capi-
tel stet eins gepetes weiß das. xxxiii. capitel.

Imm̄er wachēder wachter aller werlt got aller goter
herre wūderhafftiger herre ob allē herre allmechtiger
geist aller geiste. furst aller furstēhū. pruñ auß dem
alle guchheit fleust. heiliger aller heiligē. kroner und
die kronloner vñ der lon. kurfurst in des kurfursten
wal alle eruelūg stet. wol in wart. wer manschafft
vñ die enpfahet. der engel freud und wūde. ein druck
der aller hochstē formē. Alter greisser iūgling erhor
mich. **L**icht das do nicht enpfahet ander licht. licht
das do ūfinstert und enplēdet alles außwēdigs licht
Schein vor dē verschwindet aller ander schein. Schey
zu des achtūg alle licht sint vinsternus; e licht zu dem
aller schad erscheint. Nicht das in dē anbegīne der w-
erlt gesprochen hat. werd licht feur das vnūloschen
ewiglich prīnet. anfanck und das ende erchore mich
Heile und selde ober alles heil. weg an allē irsal zu
dē ewigē lebē. leben dē alle ding lebē. warheit ober al-
le warheit. weißheit die do omb fleust alle weißheit
gewaltiger aller sterck beschaurer der ungerechte ha-
nt. widerprēger aller pruche vñ fell. **S**attūg d̄ durff-

tigē. labūg d̄ krāckē. Sigel d̄ aller hochstē maiestet
beschliffūg des himels armonēi. Einiger erkēner al=
ler menschē gedēcken ungleicher pilder aller mēschē
antluz. gewaltiger planet aller planetē. gāz wirkē=
d̄ einfluz; alles gestirns. Des himels hoff gewaltig
vnd wūsamer hoffmeister. **T**wäck vor dē alle himel=
sche ordenūg auß; irē geewigte angel n̄mer trecken
mag. lichte sun̄ ehore mich **S**wige lucern ewiges
ymer lichte recht farend̄ morner dein koch vntget n̄=
mer panirfurer vnter des panir n̄māt siglos; wirt.
d̄ helle stifter d̄ erden closes pauer des merres rechte
d̄ lufft vnstetikeit m̄scher des feurs hitz krefftiger. al=
ler elemēt tirmer doners plizēs nebel s schaur schn=
el; regens regēpogens miltauel; windes reiff vñ al=
ler irer m̄spruchūge einiger el;meister. Alles hime=
lischē hers gewaltiger herzog. **V**n̄sorgēlicher hei=
ser erparn dich vñ ehore mich. **S**chaz vñ dem alle
schez en spreißē. vrsprūg auß; dē alle rein außfluz; fli=
sen. leiter nach dē n̄māt ir̄ wirt in allē wegē. notha=
fft zu dē alle gute ding als zu dē weiffel d̄ pin neben
vñ haltē. vrsach aller sach ehore mich. **A**ller seuch=
en widerprēgend̄ arzt. meister aller meister vaf̄ aller
geschopft allēentē gegēwurtiger zu leher auß; d̄ mu=
ter in d̄ erdē gruofft pilder aller formē. **G**rūtueft aller
gūtē werck. hasser aller vnstetikeit beloner aller gu=
ten ding. allein rechter richter ehore mich. **N**othclf=
fer in allē engstē vester kind d̄ n̄māt auff pindē m=
ag vollkumēs welē das aller vollkumēheit mechtig

ist aller heimlicher vñ nymāts weißer sachē warhaf-
 tige erckener. ewiger freudē spender. irdischer wūnen
 storer. wirt ingesind vñ hausgenos; aller gutē leut
 Geger dē alle spor vnūporgē sint. Aller sūne ein fer-
 ner eingul; mittel aller zirckelmaß. gnediger erhor-
 er aller die zu dir ruffen erhore mich. **N**ahender pei-
 stāt aller beturfftigē. pei woner aller die in dich hof-
 fen. Der hūgerigē wid fuller. Aus; nichte ichts aus;
 ichte nichts allein vermugēder wurcker. ganz mech-
 tiger erquicker. auffhalder vñ vernichter des wesen s
 Aller ding aus;richter. vnsirer. entwerffer. vñ abne-
 mer. gut ober alle gute. Aller würdigster ewiger her-
 re ihu empfahe gutlichē die sele meiner aller liebsten
 frauē. Die ewigē rue gib ir mit deinē guadē. taulab
 sie vnter dē schadē deiner flugel behalt sie nym sie her-
 re in dy volkumē genuge. Do berūgt dē wenigsten
 als dē grostē. Ja sie herre vñ dan sie kumē ist wonē
 in dē reich pei dē seligē geistē. Mich reut margreth m-
 ein außerweltes weib. **G**üte ir guadēreicher herre in
 deiner almachtigē vñ ewigē gotheit spigel sich ewi-
 glichē erlehē. beschauē. vñ erfreuē. Darinnē sich al-
 le euiglich chor erleuchtē. Alles das vnter des ewig-
 en fannē tragers fannē gehort. **E**s sei welcherlei cre-
 atur es sei. **H**elff mir auß; herzen grund seliglichen
 mit innkieit sprechen amen.